

欽定四庫全書

子部

御纂醫宗金鑑卷二十



南京中医药大学图书馆版权所有

詳校官太醫院吏目臣周世泰

編修臣倉聖脈覆勘

欽定四庫全書

御纂醫宗金鑑卷二十

訂正仲景全書金匱要略註中之一目錄

奔豚氣篇第八

桂枝加桂湯

奔豚湯

茯苓桂枝甘草大棗湯

胸痺心痛短氣篇第九

栝蒌薤白白酒湯

栝蒌薤白半夏湯

烏頭赤石脂圓

薏苡附子散

茯苓杏仁甘草湯

橘皮枳實生姜湯

枳實薤白桂枝湯

人參湯

桂枝生薑枳實湯

腹滿寒疝宿食篇第十

附子粳米湯

大建中湯

赤丸

厚朴三物湯

大黃附子湯

厚朴七物湯

大柴胡湯

烏頭煎

當歸生薑羊肉湯

烏頭桂枝湯

瓜蒂散

五臟風寒積聚篇第十一

麻子仁圓

甘草乾薑茯苓白朮湯

驚悸吐衄下血胸滿瘀血篇第十二

栝葉湯

瀉心湯

黃土湯

桂枝去芍藥加蜀漆牡蠣龍骨救逆湯

半夏麻黃圓

御纂醫宗金鑑卷二十目錄

欽定四庫全書

御纂醫宗金鑑

卷二十一

訂正仲景全書金匱要略

中之一

奔豚氣病如證并治第八

師曰病有奔豚有吐膿有驚悸

有火邪此四部病皆從

驚發得之

按篇中祇有奔豚一證而吐膿驚悸火邪皆簡脫必

有火邪

師曰奔豚病從少腹起上衝咽喉發作欲死復還止皆從驚恐得之

註奔豚者腎病也以其病從少腹上衝咽喉有如豚竄奔突之狀故名之也發作則腎氣上乘於心而欲死作已則氣衰復還於腎而止故其病雖有微甚不同然必皆從驚恐得之蓋驚傷心恐傷腎兩藏交病也水能勝火腎上凌心故治法宜瀉腎而補心也

集註張從政曰驚者為自不知故也恐者為自知也

周揚俊曰少陰脈循喉嚨因其所繫之經而上衝殊便也

發汗後燒鍼令其汗鍼處被寒核起而赤者必發奔豚氣從少腹上至心灸其核上各一壯與桂枝加桂湯主之

註此條與傷寒論同傷寒論中無發汗後三字而有太陽傷寒者加溫鍼必驚也十一字當從傷寒論

為是蓋明所以致驚之由非一端即寒侵鍼處亦
能為是病也夫太陽傷寒者加溫鍼必驚也謂病
傷寒之人卒然加以溫鍼其心必驚非謂溫鍼之
後必生驚病也燒鍼即溫鍼也燒鍼取汗亦汗法
也鍼處宜當避寒若不知謹外被寒襲火鬱脈中
血不流行所以有結核腫赤之患也夫溫鍼取汗
其法亦為迅烈矣既鍼而榮不奉行作解必其人
素寒陰盛也故雖有溫鍼之火但發核赤又被寒

侵故不但解反召陰邪而加鍼之時心既驚虛
所以腎水陰邪得上凌心陽而發奔豚也奔豚者
腎水陰邪之氣從少腹上衝於心若豚之奔也先
灸核上各一壯者外祛其寒邪繼與桂枝加桂湯
者內伐其腎邪也

集註

周揚俊曰奔豚北方腎邪也燒鍼令汗縱不合法

與少陰何與而作奔豚蓋太陽相表裏也鍼處被
寒核起而赤吾知前此之邪未散而後此之邪復

入惟桂能伐腎邪也所以用桂加入桂枝湯中一
以外解風邪一以內泄陰氣也先灸核上者因寒
而腫惟灸消之也

桂枝加桂湯方

桂枝 五兩

芍藥 三兩

甘草 二兩

生薑 三兩

大棗 十二枚

右五味以水七升微火煮取三升去滓溫服一升

奔豚氣上衝胸腹痛往來寒熱奔豚湯主之

註奔豚氣上衝咽喉發作欲死是奔豚之甚者也氣

上衝胸腹痛往來寒熱是奔豚之微者也甚者以
桂枝加桂湯從腎逐陰降逆也微者以奔豚湯從
心調血散逆也

奔豚湯方

甘草

芎藭

當歸

各二兩

半夏

四兩

黃芩 二兩

生葛 五兩

芍藥 二兩

生薑 四兩

甘李根白皮 一升

右九味以水二斗煮取五升溫服一升日三夜一

服

集解沈明宗曰用芍歸白芍甘草調養厥陰少陽血氣

之正而邪自外出以生葛黃芩半夏生薑佐李根
解半表半裏之寒熱而逆可散蓋奔豚雖屬腎病

然魚厥陰少陽之邪而發者有之仲景用此方明
非僅寒邪一端致然也

發汗後臍下悸者欲作奔豚茯苓桂枝甘草大棗湯主
之

註發汗後心下悸者心陽虛本經自病也臍下悸者
腎邪乘虛上干心病也奔豚者臍下氣動而上衝
也欲作奔豚者有似奔豚之狀而將作未作也茯苓
桂枝甘草大棗湯所以補火土而伐水邪也上